

太上三元妙經

三元讚

雲台山放大豪光都會三元

遍十方玄中大法王利益無疆

懇禱祝遐昌

三元應感天尊大天尊三稱

開經偈

寂寇至無宗。虛峙刼仞阿。

豁落洞玄文。誰測此幽遐。

一入大乘路。孰計年刼多。

不生亦不滅。欲生因蓮花。

超凌三界途。慈心解世羅。

真人無上德。世世爲仙家。

三官頌『自此以下皆當跪誦』

稽首皈命天地水。

三官大帝慈悲主。神功妙德不思議

。謹運一心皈命禮。

三官大帝寶誥

志心皈命禮。

惟三聖人。乃一太極。普受浩劫

家之命。鼎膺無量品之褒。紫微

清虛洞陰。總領功過。賜福赦罪

解厄。普濟存亡。道冠諸天。恩

覃三界。大悲大願。大聖大慈。  
三元三品。三官大帝。三宮九府。  
應感天尊。  
天官寶誥

志心皈命禮。  
玄都元陽。紫微宮中。部三十六  
曹。偕九千萬衆。考較大千世界  
之內。錄籍十方國土之中。福被  
萬靈。主衆生善惡之籍。恩覃三  
界。致諸仙升降之司。除無妄之  
灾。解釋宿殃。脫生死之趣。救

拔幽苦。群生是賴。蠢動咸康。  
大悲大願。大聖大慈。  
上元九炁。賜福天官。曜靈元陽大  
帝。紫微帝君。

地官寶誥

志心皈命禮。

青靈洞陽。北都宮中。部四十二  
曹。偕九千萬衆。主管三界十方  
九地。掌握五嶽八極四維。吐納  
陰陽。覈男女善惡青黑之籍。慈  
育天地。考衆生錄籍禍福之名。

法源浩大。而能離九幽。浩劫垂  
光。而能消萬罪。羣生父母。存  
沒沾恩。大悲大願。大聖大慈。  
中元七炁。赦罪地官。洞靈清虛大  
帝。青靈帝君。

水官寶誥

志心皈命禮。

暘谷洞元。青華宮中。部四十二  
曹。偕九千萬衆。掌管江河水帝  
萬靈之事。水災大會。劫數之期。  
正一法王。掌長夜死魂鬼神之籍。

。無爲教主。錄衆生功過罪福之  
由。上解天灾。度業滿之靈。下  
濟幽扃。分人鬼之道。存亡皆泰  
。力濟無窮。大悲大願。大聖大  
慈。

下元五炁。解厄水官。金靈洞陰大  
帝。暘谷帝君。

火官寶誥

志心皈命禮。

乾元四品。考校火官。運扶乾健  
。德合離明。居太陽丹天之中。

統左府注生之籍。盛德在火。炎  
帝持衡。功參佐於三元。氣運行  
於四月。駕赤龍而行南陸。照明  
熒惑之宮。燭朱陵而顯丹臺。煥  
赫文昌之運。輝輝朗耀。炳炳照  
臨。大悲大願。大聖大慈。  
赤皇上品。三炁火官。炎帝真君。  
洞陽大帝。南丹紀壽天尊。  
玄帝寶誥  
志心皈命禮。  
混元六天。傳法教主。修真悟道

。濟度群迷。普惠衆生。消除灾  
障。八十二化。三教祖師。大慈  
大悲。救苦救難。三元都總管。  
九天游奕使。左天罡。北極右垣  
大將軍。鎮天助。順真武。靈應  
福德。衍慶仁慈。正烈協運真君  
。治世福神。玄天上帝。金闕化身。  
玉虛師相。蕩魔天尊。

太上三元賜福赦罪解厄消灾延生保  
命妙經

爾時

救苦大仙。在大羅天上。九炁紫

微天宮。上白

道君曰。集會

三元天地水官。三界四府。衆聖

曹官。考較大司。同諸仙衆。講

說經法。救拔衆生。放大光明。

照見天下。萬國九州之地。江河

湖海之內。閻浮世界之中。受苦

衆生。造惡非善。廣結冤讐。多  
行不是。財交弗明。不敬天地。  
日月三光。呵風罵雨。欺神滅像。  
。瞞天昧地。褻瀆聖賢。不敬父  
母叔伯亦親。姦盜邪淫。不忠不  
孝。非禮非義。斷絕往來恩路。  
不敬五穀。穢污遭賤。不行正道。  
。大斗小秤。明瞞暗騙。橫言曲  
語。白口咒詛。怨天恨地。不恤  
己身。不修片善。天不容。地不  
載。致生惡毒。多起瘟瘡。多招

訟非。輕重難逃。故作事因。得  
此苦報。惡難臨身。無處解釋。  
於是救苦大仙。端簡上告。

三元天官曰。善哉善哉。此等衆生  
。遭形苦難。若有善男信女。皈  
依。

三元齋戒三年圓滿。命道轉誦此  
經。三五十遍。千五百遍。踴躍  
懺悔。悔過愆尤。  
道君曰。即有

天官賜福。  
地官赦罪。  
水官解厄。  
於是告下  
三元天尊。  
即駕五色祥雲。  
行九炁  
清風。至都會府。  
雲臺山上。放  
大毫光。廣大惠力。  
無邊法顯。  
濟民救苦。福應萬靈。  
諸天升降  
。除無妄之災。  
解有讐之愆。  
賜  
千祥之福。  
脫九厄之難。  
離三途  
之苦。  
痴蠢康泰。  
削去原罪。  
拔  
除冤根。  
永消愆尤。  
父母存亡。

沾恩離苦。四生六道。餓鬼窮魂。  
。孤魂野鬼。九玄七祖。未離地  
獄之中。存亡衆生。杻械枷鎖。  
囹圄閉塞。於是

地官至七月十五日。即與獄囚地獄

。受苦衆生。除罪簿。滅惡根。  
削死名。上生籍。已去提。未去  
提。已提至。未提至。已結證。  
未結證。已發覺。未發覺。逢赦  
除子。

地官曰。五刑十惡等罪。永不赦除

天尊言。齟齬齟齬。蛇牙虎口。心  
如錐刀。惡毒之人。鬼眼鬼心。  
多計巧言。噴瞞痴愚。蠢子何知  
。割他肉。不念他貧。只念己富  
。肥家潤身。使心用心。返累己  
身。心根結成。罪根難滅。貪財  
利己。天雷霹靂。瘟氣流傳。纏  
害身體。冤愆相併。並及子孫。  
於是救若大仙。再告。

天官。天官曰。轉誦此經。至滿千  
遍。大作踴躍。悔過愆尤。斷惡  
修善。即有  
地官赦罪。所有惡孽愆尤。俱一赦  
除。心心志。盡一皈正。恍恍  
惚惚。耳目心定。神魂安靜。精  
神復舊。罪滅福生。無量功德。  
其福無邊。  
道君曰。世間衆生。招瘟惹災。毒  
氣流行。衆生染着。偕是造惡非  
善。冤讎相併。致生惡疾。淹延

未愈。若誦此經。病即痊愈。若誦經者。至端陽中元之日。即有三元追回行瘟等衆。考較輕重等罪。俱一赦除。水官曰。世間夫婦。命犯孤辰寡宿。刑害絕嗣。皆是前生不施。今生受之。若有善男信女。晨夕好靜。沐浴燒香。燃燈誦經。修齋佈施。悔過消刑。便生端正有相之男。聰明富貴之子。聲震五湖四海。宿世今生。故作誤爲。謀

財負命。今世爲兒。取命化財。  
女人妊娠。三朝五日。不行分娩。  
。或在身兒亡。生下兒亡。三六  
九歲兒亡。十二五歲兒亡。一日  
一夜。萬死萬生。俱是冤愆相臨。  
。化目化財。騙協財物。化爲畜  
生。若有善男信女。發心施財。  
齋戒沐浴。轉誦此經。悔過愆尤。  
。即使愆尤永釋。人鬼分離。產  
生無難。母子雙全。問煞無刑。  
生長成人。利益雙親。經力宏深。

天。尊。言。○。讐。人。冰。泮。○。冤。家。債。主。○。自。  
消。自。滅。○。孤。魂。等。衆。○。九。玄。七。祖。○。  
四。生。六。道。○。輪。迴。生。死。○。出。離。地。獄。  
○。即。往。東。極。天。界。○。救。苦。門。庭。○。救。  
苦。地。上。好。修。行。○。只。有。天。堂。無。地。獄。  
○。閻。王。一。見。○。不。敢。高。聲。○。童。子。夜。  
叉。○。擎。拳。拱。手。○。牛。頭。馬。面。○。總。盡。  
皈。依。○。一。十。八。重。地。獄。○。逍。遙。  
○。三。十。三。天。天。宮。○。宮。宮。自。在。○。超。  
生。天。堂。之。境。○。即。無。地。獄。之。聲。○。出。

離地獄。永離苦難。徑往人天。  
超生淨土。快樂無量。一去一來。  
。無掛無礙。。  
水官曰。天下衆生。星辰不順。運  
限遲留。凶曜衝併。多生疾病。  
或瘟病相侵。或痢疾瘡毒相侵。  
或腫毒疥癩相侵。氣候喉瘡相侵。  
。咽喉風毒相侵。泄瀉風痰相侵。  
。祖塚瘟氣相侵。住基風水相侵。  
。邪師敗聖相侵。火眼癆瘵相侵。  
。吐血蟲毒相侵。白口咒詛相侵。

。刀兵火盜相侵。  
。水滄顛狂相侵。  
。吊頸枷鎖相侵。  
。穢門閉瘴相侵。  
。年月日時不利相侵。  
。斫伐壇廟。  
樹木相侵。  
。窞坑動土相侵。  
。開基。  
開沼相侵。  
。添新換舊相侵。  
。修前。  
整後相侵。  
。瘡疾疹疾相侵。  
。瘟災。  
瘟氣相侵。  
。官符口舌相侵。  
。致生。  
惡疾來纏。  
。衆生染着。  
。致於喪亡。  
。若誦此經。  
。即使惡疾不纏。  
。吉。  
星相護。  
。凶曜退散。  
。萬禍水消。  
。千祥雲集。  
。經通天界。  
。福臨人間。

天尊言。天下衆生。江河湖海。舟  
航商賈。風波洶湧。驚惶憂懼。  
若誦此經。皈依  
天地水官。水府衆聖。即使風恬浪  
靜。水途安妥。舟航穩載。繩纜  
堅牢。所謀順遂。諸聖擁護。萬  
神錫福。於是  
天尊而說偈曰。日月星斗真。  
九炁青天上。雲雷電鼓隨。  
天地水官帝。

金童執華幡。玉女捧香花。  
五色祥雲內。放出白毫光。  
照一切天下。顯身救衆生。  
慶雲祥煙護。拔離諸苦難。  
興雲布洪雨。驅雷掣電行。  
憐起揚塵土。神氣威猛烈。  
廣大智慧力。法顯無邊濟。  
無極無量法。無量度衆生。  
無極無量光。照出諸魂衆。  
一切冤家鬼。盡離地獄中。  
存亡諸衆生。一切離苦難。

天尊說經已畢。若誦此經。隨力見  
功。酌水獻花。其福自應。家有  
此經。宅舍光明。災難無侵。佩  
帶此經。萬神擁護。鬼祟永滅。  
心念不空。福力自然。神力扶持  
。隨心應口。此經共計一千六百  
七十五字。字字真詮。句句消愆  
。行行滅罪。卷卷賜福。一切諸  
天上帝。三界十方衆聖。聞說此  
經。皆大歡喜。信受奉行。作禮  
而退。

上卷終

爾時  
元始天尊。在大羅天上。八景宮中。  
。與諸天神王。日月星宿。上聖  
高尊。無極聖衆。說無上至真妙  
法。有一真人名曰。說無上至真妙  
赤脚大仙。越班而出。擎拳長跪  
。上白  
天尊曰。下界人民。或有水火刀  
兵。疾病生產。鬼魅精邪。天羅  
地網。一切厄難。何由救免。

天尊言。得道神仙。皆從  
三官保舉。下方生人。但持  
三官寶號。能除厄難。悉皆消滅  
。吾今授汝下世。流傳人間。  
看誦者。得福無量。消一切厄。  
即說寶號曰。紫微帝庭。  
北極玄穹。泰山岱嶽。水國清冷。  
網維三界。統御萬靈。  
三元校籍。善惡攸分。  
齋戒禮誦。無願不成。

消灾釋罪。降福延生。  
至真妙道。功德無邊。  
大悲大願。大聖大慈。  
上元一品。賜福天官。  
紫微大帝。中元二品。  
赦罪地官。清虛大帝。  
下元三品。解厄水官。  
洞陰大帝。三元主宰。  
三百六十。應感天尊。  
女青真人。考較曹官。  
爾時赤脚大仙。與諸天神王。真

仙大衆。聞說寶號。皆大歡喜。  
作禮稽首而退。信受奉行。

完經讚

三官大帝。應感十方。神功妙德

廣宣揚。浩劫仗垂光。普濟存亡

。度厄降禎祥。

皈命

三元應感大天尊。

玉皇寶誥

志心皈命禮。

太上彌羅無上天。妙有玄真境。渺

渺紫金闕。太微玉清宮。無極無  
上聖。廊落豁光明。寂寂無宗  
。玄範總十方。湛寇真常道。恢  
漠大神通。穹蒼真老。妙圓清靜  
。智慧辯才。至道至尊。三界師  
。混元祖。無爲聖主。四生慈父  
。高天上聖。大慈仁者。十號圓  
滿。萬德週身。無量度人。拔生  
死苦。衆聖之王。諸佛之師。太  
上開天。執符銜歷。含真體道。  
金闕雲宮。九窮歷銜。萬道無爲

。通明大殿。  
昊天金闕。玉皇大天尊。玄穹高上  
帝。

奉送回向文

回別五雲輿。騰駕九霄高。  
倏忽升天遠。壇場香氣多。  
鴻恩覃宇宙。福祿遍山河。  
緬想神仙路。逍遙上大羅。

報恩誥

志心皈命禮

玄元應化。武曲分真。垂念我等

。衆生有相。托生父母。懷胎十月。乳哺三年。辛苦萬千。慇懃寸念。憐我父母。日漸衰朽。我今持念。平等悉滅。嶮峻貪嗔。禮帝爲師。祈恩報本。願我現在父母。福壽增延。過去祖宗。早得超昇。大聖大慈。大仁大考。八十二化。報恩教主。佑聖真武。治世福神。玄天上帝。金闕化身終玉虛師相。

劫濟苦天尊。

一願風調雨順。二願五穀豐登。  
三願洞壇光耀。四願國土昇平。  
五願人民樂業。六願福壽康寧。  
七願災消禍散。八願水火不侵。  
九願聰明智慧。十願學道成真。  
十一願福留善信。十二願大道興行。  
一切神光普照。一切衆聖垂念。  
一切有情賴善。一切證聖成真。

普天安慶  
六合同春  
消愆赦罪  
降福延生  
○ ○ ○ ○

衆善信樂助印經費芳名

黃丹夏 楊立韓 梁丹香 梁仲釗 梁仲雅

梁用寬 梁智信 關如阜 周丹鶴 馮如守

馮英樂 蔡丹居 陳如瑤 鄭丹輝 潘如星

張錫憲 張麗金 張錫豪 區福源 區丹方

梁丹屏 何立然 霍如蓮 李立彬 許泰昌堂

張立剛 梁莉亭 關如經 李美蓮 黃如初

林如宿 李世屏 羅如盟 陳運華 張如楊

胡如菩 張永文 馮如環 鄧如厚 陳伯就

陳伯朋 陳雪芳 甘植寬 龍丹點 盧六合堂

易丹康 陳國彝 梁如寬 麥如懷 馬如專

朱如中 朱裘泰 朱裘輝 朱裘勝 朱裘和

朱基校 汪先生 葉麗翩 王如群 胡如持

潘立典 胡立攀 何如亨 曾繁堦 梁如理

黃振昌 李翠鸞 陳如廬 何如華 張如金

莊宅 何如谷 梁丹冠 李如時 陳道明

譚榮光 梅冠武 胡廷鎮 張雪卿 香桂芳

黃丹博 周李氏 龍永光 楊松 黃惠珍

公曆一九六七年歲次丁未仲春 香港玉壺仙洞印送